

舊歷丁卯年十月十五日

聶氏家言旬刊

民國十六年十一月初八日

第一四百三十三期

覆葛志亮君函

新原子說

製黑芝麻法

心經文句註解合刻出版廣告

上海遼陽路聶宅發行

覆葛志亮君函

雲台

志亮先生大鑒。今日連奉兩函。敬悉一一。執事疑問求答。本欲早為作復。旋見許止淨居士答稿已極詳盡。自揣更無可以貢獻於執事者。遂復置之。一面請王小徐君作函答復。茲復奉大函。頗以拙見為有常。更申尊旨。詢於芻蕘。杰自知謏陋。然亦不敢不稍陳愚見。以副雅意。佛法者。為切已受用之學。與儒者之道。同信而行之者。則得相當之受用。小行小效。大行大效。凡其所說。事可證。理可通。心可安。其言有利於世。無弊害之可發生。然非具有慧根者。不易了解。而信行之也。儒者之道。於人生問題。言之詳盡。佛教則兼言前生後世。二者皆依實而說。故其說皆圓融通達。至其修持之法。同為克己自制。以葆其仁民愛物之良心。而復其明覺中和之性體。如是而已矣。儒者不言生死。然苟能循其道。以存心制行。則雖未知死之事。而其理有可知者矣。所謂理者。即憑感應之道。而知其禍福之報苦樂之果也。儒家有斥佛家談因果禍福。謂以為善得福。教人為市易之道。或謂其說輪迴為神怪。

之說。聖人所不道。為此言者。陳義甚高。而與聖人循循誘人之旨相悖。蓋聖人立言垂教。皆發於悲愍愛人之誠。而其言必有利於人者。所謂利於人者。亦惟是欲人除其凶害苦痛而已。儒者之道。能利人者也。然惟言其當然。而不詳言其所以然。佛以慧眼洞觀三世。詳言其所以然。而我輩凡庸。乃執一孔肉眼之見。斥其為不當。然試一考察世之號稱儒者。能居仁由義。出於自然。不為求福免禍趨吉避凶而為善者。有幾人哉。如有其人。自謂能如是。吾敢正言其為自欺欺人耳。夫無所為而為者。自修之道。而非導人為善之法也。試觀聖賢教人。曷嘗不為利害禍福而立言哉。顧其所謂利害禍福。不若常人狹小之見。專以個人為限。而聖人必以羣衆公共之利害禍福為歸。為羣衆之利。即謀利己最善之道也。其言教孝弟。則人不犯上作亂。正心修身。則國治天下平。孟子言人人親其親長其長。而天下平。老及人幼。幼及人。則天下治。夫天下平治。則人與我皆得安。非是則不得安。是則謀福利之最善之法也。易經全部皆教人免禍求福趨吉避凶。

郵局掛號認為新聞紙類

本刊每年取費二角

之言也。詩曰：自求多福。又曰：愷悌君子，求福不回。聖人曷嘗不以求福免禍趨吉避凶教人乎？夫爲善則得福，爲惡則得禍，此事實也。聖人特舉此事實以告人，使人知所趨避耳。夫因果之理，若是之明，其事若是之確，而天下猶有謂爲善不必得福爲惡不必得禍者，彼以一己偏蔽之見，覩局部片段之事，遂斷言感應因果爲無其事，以自誤而誤人，又復放言高論，謂吾人爲善當出於自動，不當因羨福利而爲善，亦不因畏禍害而不爲惡。彼言因果報應之說者，特愚民之法耳。如我輩之明智通達，奈何爲其說所囿耶？嗚呼！昔日自命爲儒者，今日自命爲科學家之流，皆樂爲此言者也。究其實際，彼既決不自動以爲善，而惟飾僞以與世人相見，飾僞作惡者，足以欺物質之世界於人耳目所不及，則恣吾所欲爲，以利己而損人，可以無後患也。故惟冀幸因果之說不確，假令因果之說而確，則雖人耳目所不及，後患不可免，惡報不可逃也。因果報應之說果確，則於己平日之思想行事，大有不便也。以不便己之故而冀其不確，豈非自欺欺人也？歟！試觀聖人自修之道，則何如子曰：君子畏天命，大學曰：十目所視，十手所指，其嚴乎？故君子必慎其獨也。又曰：鬼神之所爲德也，其盛矣乎？中庸曰：相在爾室，尚不愧於屋漏。君子之所不可及者，其惟人之所不見乎？又曰：鬼神之爲德也，其盛矣乎？視之而弗見，聽之而弗聞，體物而不可遺，使天下之人齊明盛服，以承祭祀，洋洋乎如在其上，如在其左右。詩曰：神之格思，不可度思，矧可射思。夫微之顯，誠之不可揜，如此夫。又曰：至

誠之道，可以前知。國家將興，必有禎祥；國家將亡，必有妖孽。見乎蓍龜，動乎四體，禍福將至，善必先知之，不善必先知之。故至誠如神，易曰：作善降之百祥，作不善降之百殃。積善之家，必有余慶；積不善之家，必有余殃。夫孔子固不多言生死鬼神之事者，而其言感應之道，如此其顯明確定，其不詳言鬼神天命者，蓋鬼神與天命必通三世輪迴言之，知之爲知之，不知爲不知，正其所以爲孔子也。夫畏天命，即畏因果也。佛家謂之造因，儒家謂之立命。孟子言修身俟之所以立命也，惟命由我立，故修身不可不謹。假令天命有常，非我力所能與，則世之禍福吉凶，皆無意義。如日月之運行，安之而已。何爲畏之哉？其畏之也，非畏已然之天命，而畏終日之起心動念。出言行事，又造後來之命，稍縱即逝，爲可畏耳。其言鬼神之感應之道，凡以闡明我起心動念不落虛空，一一皆有印象相對，有聲響相應，起因於一時，成形於後世，影響於無窮期，故可畏也。蓋聖人終日在臨深履薄之中，懼立命之有乖，造因之必結果也。聖人之存心制行，且出於有所畏，有所畏而有所不爲，而後有所爲，而謂常人不當因有所欣有所畏而後爲善，不爲惡乎？此等言論，蓋出宋儒偏蔽私狹之見，欲摘佛氏之短，以鳴儒家之高，而不知適與聖人之旨相悖也。聖人之教，以導人入善爲主，因有所畏有所欣而爲善，去惡其說固有利無弊。若無所爲而爲善，則必致空言而實不至，徒以欺僞相高，此可證以事實，非徒以口辯爭長者也。

文闢之斥其爲市易之道。羅有高復書張文後駁之曰。記曰。無欲而好仁者。無畏而惡不仁者。天下一人而已矣。如張君之言。杜塞中下爲善之路者也。世之如張氏者多矣。已不能無欲畏而爲善遠惡。而欲以此教人。斥感應因果輪迴鬼神之說爲無徵不可信。吾不知其意之何居也。彼以爲人不信因果鬼神之說。反能向善乎。試察之我國各種社會。其猶有好善不爲惡之人。什九皆有信於因果感應之說者也。其不信因果感應之說。而能爲善者。吾見亦罕矣。近日科學之說。昌執目觀耳聞手觸之物。以斷事之有無。輪迴鬼神因果之事。非可執符箓限時刻。憑度量權衡而求者。遂言其不可信。而天下敢於爲惡者始多矣。其在泰西亦然。社會中有能爲善者。大抵信上帝畏天道者也。今科學之勢。張舊日荒謬之神權說。失其依據。而後作奸犯科之人日多。見拙著美國犯罪之增加與司法書後夫泰西之神權宗教。出於虛造。謬妄無理。其不能存於今日宜也。中國因果之教義。則理極圓滿。事有證驗。違之有效。行之無弊。奈何輕言破壞。使人惟物質之是求。於耳聞目觀之外。一無憚忌乎。爲是說者。無論其所根據之理論。不圓滿也。抑亦未爲羣衆計慮。誠心謀其利樂。又於大多數社會心理事實情狀。無所覺察。遂逞一己之理想。發爲高論。初不計其實效之如何也。細繹來函。知執事亦未能免於時俗之見者。疑問諸題。皆純以物質的方法視察因果者。以此爲疑。則不勝其問。亦不勝其答矣。須知因果者。理也。理不變。而事境萬變。其歸結必如其因而得果。則同也。譬之如算數。

理不變而算式萬變。其得數必如母而得子。則同也。吾人既不詳知事之本末。而執其片段。以言無因果者。準諸科學家研究物理之態度。已不合矣。古書記載一事。本末不必全具。人之傳言一事。真相未必盡詳。而况因果者。必通三世百數十年。乃至無量時期。以爲報乎。

新原子說非歐氏幾何及相對論大意

王小徐先生撰

余作科學之根本問題及答葛志亮君佛教疑問二文。雲台先生已先後登入本刊。而文中曾及新原子說非歐氏幾何。里得幾何。愛因斯坦相對論諸說。先生恐讀者或有未悉。屬略述大要。故復作此。以應限於篇幅。不能詳也。

新原子說者。自發見新元素鐳之後。之新學說也。化學中一切化合物。皆可分爲分子。粒粒相似。例如一滴純淨之水分之。又分至成爲水之分子。每粒水之分子。其性情與水無異。然將一粒水之分子。再分之。則成二粒之原子。輕與一粒之原子。養其性情與水全異。在發見鐳之前。化學家皆信此原子爲化學之邊際。不可再分。而自一八九八年之後。迭發見鐳及其他多種放射線元素。經精密之研究。知此類元素皆不固定。每若干時。其全數之原子中百分之幾。必爛壞。放射帶正電性之氣。與帶負電性之電子。而殘留化學性質全異之他元素。故知原子尚非化學之邊際。可再分爲帶負電性之電子。與帶正電性之氦等核。愛因斯坦相對論者。理論方面。基於數學中之理想。超空間 Super Space 與非歐氏

里得幾何。非歐氏幾何。亦仍基於超空間。二者又悉基於解析幾何。解析幾何以含 X 、 Y 、 Z 三個元之代數式代表直線。曲線。平面。凹凸面。由此數學家理想用含 X 、 Y 、 Z 、 M 四個元以上之代數式可代表四次以上之空間之直線。曲線。平面。凹凸面。平直體。凹凸體。(即廣義的非歐氏幾何之體)超體。凹凸超體等。此種超空間人雖不能想像。然解析幾何實能研究之。非歐氏幾何者。即四次空間實超球及幻超球上之球面幾何也。(按幾何學所謂非歐氏幾何乃狹義的平勻的與一般所指廣義的不規則的異)其與歐氏幾何之關係。類於平面三角與球面三角之關係。相對論之事實方面。則基於天文學之記錄及光速測驗之結果。據此算得吾人普通所想像三次空間與時間。均非絕對獨立。例如火車高速經過車站月台。則月台上人與車上人所量空間時間之長互異。普通物理計算略去此差。故均不密合。實際空間與時間糅成一種四次之幾何。於吾人普通所經驗三次空間互相垂直之三個主軸之外。時間為其第四個主軸。與空間垂直。而此四個主軸並非固定。乃因物體與測驗者之間相對的運動而改變。(按此四次幾何乃幻而非實。所有在空間內之諸方向皆為實量。而時間之方向則須認為幻量。主軸方向因相對運動所生之改變。乃於運動方向及時間方向所在之平面內轉過一幻角。如此則表時間之量仍為幻。而表空間之量仍為實。且與特別相對論之公式合)至於重力。愛因斯坦亦認為幾何學之問題。其說謂一切物體

概為四次幾何中之一直線。但在有力場(即吸力)處。因其幾何變為非歐克星得(廣義的)故直線變為自然線(自然線者可設想蟻在凹凸不平之假山石上直向前行之路)而吾人覺有吸力加速及繞行等事。以上學說尚不執著。則如自在主童子學書數算印。善知衆藝童子唱四十二字母。無非華嚴境界。若執為能詮心外實法。則仍請閱拙作前二篇。

製黑芝麻法

前登服胡麻法。友人已多有照製者。而肺咳便秘者食之尤效。友人多以製法見詢者。予係將芝麻在飯上蒸熟。攤開晒一下午。明午復蒸。於是者九次。即入鍋炒微香。入鉄碾碾碎。每次碾少許。則易細。即和以蜜。約芝麻二斤。蜜一斤。予所用者為大世界對門華繹之之枇杷蜜。價每磅一元。予意其能潤肺也。洞庭山及杭之塘棲均產枇杷兼產蜜。若於此二處帶蜜。則為真枇杷蜜。而價則廉矣。予未製丸藥。即以羹匙挑食之日一二次。嚼極細始吞之。

心經文句註解合刻出版廣告

明宋文憲公心經文句清朱文正公心經註解。前已有八合刻流通。八居士又將句解在粵鐫板。曾印多册。由敝處代為分送。印光法師以註解中引經處多隨意顛倒次序。改易字句。特為一一改正。其他訛誤亦皆校正。茲謹重付排印。並附靈感錄於後。凡古來持誦心經及奉觀世音之靈感。皆錄輯略備丁卯夏郭涵齋居士自湘來滬。下榻敝居。實任錄輯之事。謹叙其略如右。凡欲得者。函索即寄。郵費每册一分。